

Na osnovu člana 16. stav 4. Zakona o Vladi Zeničko-dobojskog kantona – Prečišćeni tekst („Službene novine Zeničko-dobojskog kantona“, broj 7/10), na prijedlog Ministarstva unutrašnjih poslova, Vlada Zeničko-dobojskog kantona, na 20. sjednici, održanoj 24.07.2015. godine, donosi

ZAKLJUČAK

I

Prihvata se mišljenje Ministarstva unutrašnjih poslova dato po inicijativi Mujanović Hašima poslanika u Skupštini Zeničko-dobojskog kantona vezano za izmjene i dopune Zakona o javnom redu i miru.

II

Zaključak sa Mišljenjem Ministarstva unutrašnjih poslova upućuje se u dalju skupštinsku proceduru.

III

Zaključak stupa na snagu danom donošenja.

Broj: 02-_____ /15.
Datum, 24.07.2015. godine
Zenica

PREMIJER

Miralem Galijašević

DOSTAVLJENO:

1x Ministarstvo unutrašnjih poslova,
1x Stručna služba Skupštine,
1x a/a.



Broj: 08-04/1- /15.
Datum: 06.07. 2015. godine

Vlada Zeničko-dobojskog kantona uputila je ovom ministarstvu inicijativu poslanika u Skupštini Zeničko-dobojskog kantona Mujanović Hašima, za izmjene i dopune Zakona o javnom redu i miru ("Službene novine Zeničko-dobojskog kantona", broj: 8/00,15/03,11/07 i 8/08), radi davanja mišljenja povodom pokrenute inicijative. U tom smislu Ministarstvo unutrašnjih poslova Zeničko-dobojskog kantona daje s l i j e d e e:

MIŠLJENJE

Podnesena inicijativa podrazumijeva izmjene i dopune Zakona o javnom redu i miru u smislu da se određene odredbe ovog zakona koje su identično definisane kao i odredbe Krivičnog zakona Federacije Bosne i Hercegovine, kao npr. odredbe o uživanju opjnih droga, odredbe o prostituciji, zatim potrebe o definisanju javnog mjesta, identifikaciji javnih ustanova ili preduzeća za izvršenje opće-društveno korisnog rada osuđenih osoba i druge slične kvalifikacije koje zahtijevaju jasno definisanje ili poptupno izuzimanje iz navedenog zakona, te podizanje kaznenog okvira za počinjenje navedenih prekršajnih radnji iz ranije navedenih razloga.

Ministarstvo unutrašnjih poslova Zeničko – dobojskog kantona, podržava Inicijativu za izmjene i dopune Zakona o javnom redu i miru u smislu brisanja pojedinih odredbi i usaglašavanja odredbi pomenutog zakona sa odredbama Krivičnog zakona Federacije Bosne i Hercegovine („Službene novine FBiH“, broj: 36/03, 37/03, 21/04, 69/04, 18/05 i 42/10).

Dostavljeno: 2x Naslovu,
1x a/a

S poštovanjem!

M I N I S T A R

Hajrudin Žilić



Broj: 01-2-11872 /15
Zenica, 29.05.2015. godine

- VLADA ZENIČKO-DOBOJSKOG KANTONA, n/r sekretara
- ZAKONODAVNO-PRAVNA KOMISIJA SKUPŠTINE, n/r predsjedavajućeg

PREDMET: Inicijativa za izmjene i dopune Zakona o javnom redu i miru Zeničko-dobojskog kantona - dostavlja se,

Hašim Mujanović, poslanik u Skupštini Zeničko-dobojskog kantona, podnio je na 8. sjednici Skupštine Zeničko-dobojskog kantona održanoj 14.05.2015. godine, u okviru predtačke dvenog reda: „Postavljanje poslaničkih pitanja i pokretanje inicijativa“, a shodno članu 111. Poslovnika Skupštine Zeničko-dobojskog kantona – Novi prečišćeni tekst („Službene novine Zeničko-dobojskog kantona“, broj: 7/12 i 12/13,) **Inicijativu za izmjene i dopune Zakona o javnom redu i miru Zeničko-dobojskog kantona.**

S tim u vezi, u skladu sa članom 112. stav 1. Poslovnika Skupštine Zeničko-dobojskog kantona u prilogu vam dostavljam na mišljenje predmetnu inicijativu **o kojoj ste se dužni izjasniti u roku od 30 dana**, radi daljeg postupanja Skupštine po istoj u skladu s Poslovníkom Skupštine.

S poštovanjem!

Z. SEKRETAR
Ibr
Ibrahim Avdagić

Prilozi: izvod iz transkripta sa 8. sjednice Skupštine u kome je sadržana inicijativa poslanika Plančića i inicijativa predata u pisменоj formi

Dostavljeno:

- 1x Naslovu
- 1x Ministarstvu unutrašnjih poslova ZDK, n/r ministra
- 1x Svim poslanicima Skupštine
- 1x U spis predmeta / -03

HAŠIM MUJANOVIĆ

Poštovane kolegice i kolege, ja ću iskoristiti poslovničku mogućnost da pokrenem jednu inicijativu koja se odnosi na Izmjene i dopune Zakona o javnom redu i miru Zeničko-dobojskog kantona. Naime, od strane ove Skupštine, odnosno Skupštine Ze-do kantona u mandatnom periodu 2000. godine donesen je Zakon o javnom redu i miru koji je izmjenjen 2003. godine, a, znači, pretrpio je već određene izmjene i dopune. Od strane Predstavničkog doma Parlamenta Federacije prošle godine donesen je Zakon o prekršajima Federacije Bosne i Hercegovine koji između ostalih novela u sebi je sadržao i odredbu da se počinitelj prekršaja prilikom izvršenja prekršaja može izjasniti o plaćanju 50% kazne koja je propisana, znači, za tu vrstu prekršaja. U aktuelnom ili važećem Zakonu o javnom redu i miru Zeničko-dobojskog kantona postoje određene odredbe koje su identične ili slične odredbama Krivičnog zakona Federacije Bosne i Hercegovine, a prije svega recimo odredbe o vršenju prostitucije, zatim imamo uživanje opojnih droga, potreba definisanja javnog mjesta, identifikacija javnih ustanova za izvršenje rada za opće dobro. Tako da to svakako zahtjeva jasnije i potpunije izuzimanje iz navedenog Zakona, te podizanje kaznenog okvira za počinjenje navedenih prekršajnih radnji iz ranije navedenih razloga. Zbog toga smatram potrebnim da se pristupi izmjenama i dopunama Zakona o javnom redu i miru kojim će se na jasan način definisati i kvalifikovati kako javno mjesto tako i radnje počinjenja prekršajnih djela, te kaznenog okvira koji će biti primjeren vrsti i težini počinjenih prekršajnih radnji. Mi ćemo danas imati čini mi se zadnja tačka Informacija o stanju bezbjednosti. Mislim da tu možemo kroz onaj materijal ... vidjeli smo koliko je bilo izvršenja prekršajnih djela po različitim oblastima. Mislim da na ovaj način možemo malo i uozbiljiti tu ... tu djelatnost obzirom da ove sankcije koje su sada ovako na ovaj način propisane nisu primjerene. Mislim da treba tu napraviti kombinaciju preventivnih i represivnih mjera, tako da to možemo svakako uraditi u tom novom Zakonu. Toliko.



**KANTONALNO VIJEĆE STRANKE ZA BOSNU I HERCEGOVINU
ZENICA
POSLANIK U SKUPŠTINI ZENIČKO-DOBOJSKOG KANTONA
mr.sci. Mujanović Hašim**

PODNOŠI

**INICIJATIVU ZA DONOŠENJE IZMJENA I DOPUNA ZAKONA O
JAVNOM REDU I MIRU ZENIČKO DOBOJSKOG KANTONA**

U skladu sa odredbama člana 89., 111. i 194. Poslovnika o radu Skupštine Zeničko-Dobojskog kantona, podnosim Poslaničku inicijativu koja se odnosi na:

PREDMET: Inicijativa za izmjene i dopune Zakona o Javnom redu i miru ZDK.

O b r a z l o ž e n j e :

Od strane ove Skupštine 2000. godine donesen je Zakon o javnom redu i miru ZDK koji je 2003. godine pretrpio određene izmjene i dopune.

Od strane Predstavničkog doma FBiH 2014. godine donesen je novi zakon o prekršajima FBiH koji je između ostalih novela predvidio i plaćanje novčane kazne u iznosu od 50% utvrđenog iznosa novčane kazne sa rokom plaćanja od 8 dana od dana izricanja.

U aktuelnom ili važećem Zakonu o JRM ZDK postoje određene odredbe koje su identično definisane kao i odredbe KZ FBiH, kao npr. odredbe o uživanju opojnih droga, odredbe o prostituciji, zatim potrebe definisanje javnog mjesta, identifikaciju javnih ustanova ili preduzeća za izvršenje općedruštveno korisnog rada osuđenih osoba i druge slične kvalifikacije koje zahtijevaju jasno definisanje ili potpuno izuzimanje iz navedenog Zakona te podizanje kaznenog okvira za počinjenje navedenih prekršajnih radnji iz ranije navedenih razloga.

Zbog toga smatram potrebnim da se pristupi Izmjenama i dopunama Zakona o JRM ZDK kojima će se na jasan način definisati i kvalifikovati kako javno mjesto tako i radnje počinjenja prekršajnih djela te kaznenog okvira koji će biti primjeren vrsti i težini povrede dobra.

Datum: 14. 05. 2015. godine.